

08-01-2020

Sarajevo,

Broj:

02-03-1130

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-759 od 07.01.2020.godine, Generalna direktorica donosi:

### ODLUKU

o izboru najpovoljnijeg ponuđača  
za nabavku hemodijaliznih aparata

#### I

Prihvata se prijedlog Komisije za javnu nabavku, Izvještaj br. 03-06-759 od 07.01.2020.godine godine, za nabavku hemodijaliznih aparata za potrebe Klinike za hemodijalizu, nakon provedenog konkurentskog zahtjeva i ugovor dodjeljuje najpovoljnijem ponuđaču:

#### 1. INEL-MED d.o.o. Mostar

Za Lot 1- Aparat za hemodijalizu (1 kom) sa slijedećim elementima ugovora:

- Vrijednost nabavke: 12.820,00 KM + 2.179,40 KM (PDV-a) = 14.999,40 KM sa PDV-om
- Tip ponuđenog: - B.Braun Avitum AG/ Njemačka, Dialog+HDF on line
- Uslovi plaćanja: Plaćanje će se vršiti u roku 30 dana od dana isporuke, instalacije, puštanja u rad predmeta nabavke i edukacije uposlenika ugovornog organa, te ispostavljanja fakture.
- Rok isporuke tvornički novog, nekorištenog i potpuno ispravnog hemodijaliznog aparata: 30 dana od potpisivanja ugovora i izdavanja narudžbenice.
- Garancija na isporučeni aparat za hemodijalizu: 12 mjeseci a teče od dana potpisivanja Zapisnika o primopredaji aparata.

#### 2. P.T.D. MGM FARM d.o.o. Kakani

Za Lot 2- Aparat za hemodijalizu (1 kom) sa slijedećim elementima ugovora:

- Vrijednost nabavke: 12.820,50 KM + 2.179,48 KM (PDV-a) = 14.999,98 KM sa PDV-om
- Tip ponuđenog: - Fresenius 5008S Online HDF, Fresenius Medical Care -Njemačka
- Uslovi plaćanja: Plaćanje će se vršiti u roku 30 dana od dana isporuke, instalacije, puštanja u rad predmeta nabavke i edukacije uposlenika ugovornog organa, te ispostavljanja fakture.
- Rok isporuke tvornički novog, nekorištenog i potpuno ispravnog hemodijaliznog aparata: 40 dana od potpisivanja ugovora i izdavanja narudžbenice.
- Garancija na isporučeni aparat za hemodijalizu: 12 mjeseci a teče od dana potpisivanja Zapisnika o primopredaji aparata.

#### II

Izabrani ponuđači dužni su u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude, ukoliko isti nisu dostavljeni uz ponudu.

#### III

Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

### OBRAZLOŽENJE

Na osnovu Odluke br.02-03-65678 od 19.12.2019. godine pokrenut je konkurentski zahtjev za dostavu ponuda u svrhu nabavke hemodijaliznih aparata za potrebe Klinike za hemodijalizu sa procijenjenom vrijednosti nabavke u iznosu 25.641,00 KM bez PDV-a odnosno 30.000,00 KM sa PDV-om. Predmetna nabavka je planirana Planom javnih nabavki za 2019.godinu: kategorija „investicije robe“ redni br. 72, (Odluka o usvajanju izmjene i dopune Plana javnih nabavki Kliničkog centra Univerziteta u Sarajevu za 2019 godinu, broj: 469/19 protokol br. 02-01-64119/19). Postupak nabavke je podijeljen u 2 (dva) Lot-a: Lot 1 -

Aparat za hemodijalizu (1 kom) 12.820,50 KM bez PDV-a i LOT 2 - Aparat za hemodijalizu (1 kom) 12.820,50 bez PDV-a. Tačkom 2.2. Tenderske dokumentacije koja se odnosi na podjelu na lotove, izričito je traženo da: **„Ponudaci mogu dostaviti ponudu samo za jedan lot (Lot 1. ili Lot 2.), odnosno „Aparat za hemodijalizu“ jednog od proizvođača može se ponuditi u lotu 1. ili lotu 2.,** a sve u skladu sa članom 13. Pravilnika o uslovima u pogledu prostora, kadra i medicinsko-tehničke opreme za osnivanje i organizaciju rada zdravstvenih ustanova koje obavljaju djelatnost dijalize (Službene novine FBiH broj 89/11): „Prilikom nabavke aparata za dijalizu iz stava 1. ovog člana mora se poštovati princip odabira aparata za dijalizu najmanje dva različita proizvođača koji zadovoljavaju uslove iz člana 14. ovog pravilnika“, te članom 1. Pravilnika o dopunama pravilnika uslovima u pogledu prostora, kadra i medicinsko-tehničke opreme za osnivanje i organizaciju rada zdravstvenih ustanova koje obavljaju djelatnost dijalize (Službene novine FBiH broj 01/18): „S ciljem osiguranja zaštite i sigurnosti zdravlja pacijenata i nesmetanog obavljanje tretmana dijalize u dijaliznim centrima, načelo iz stava (3) ovog člana, dijalizni centar mora primjenjivati prilikom svake nabave više od jednog aparata za dijalizu, pod uvjetom da se nabava aparata za dijalizu vrši na osnovu Zakona o javnim nabavama“.

Za predmetnu nabavku sredstva su obezbjeđena u budžetu Općine Novi Grad Sarajevo za 2019.godinu – Sporazum br.02/02-14-11608/19 ( naš br.02-03-982-12/19).

Klinički centar Univerziteta u Sarajevu je dana 20.12.2019. godine na portalu e-nabavke, objavio Obavještenje o nabavci broj: 893-7-1-829-3-517/19 zajedno sa tenderskom dokumentacijom. Sa portala e-Nabavke tendersku dokumentaciju je preuzelo 11 (jedanaest) potencijalnih ponuđača, a do krajnjeg roka određenog za prijem ponuda, 31.12.2019. godine, dostavljene su 2 (dvije) ponude ponuđača: Inel-Med d.o.o. Mostar – ponuda za Lot 1, i PTD MGM Farm d.o.o. Kakanj – ponuda za Lot 2.

Komisija za predmetnu javnu nabavku imenovana Odlukom broj: 03-06-66959 od 25.12.2019.godine je izvršila uvid i provjeru svakog dostavljenog dokumenta i ustanovila da ponude ponuđača : Inel-Med d.o.o. Mostar i P.T.D. MGM FARM d.o.o. Kakanj sadrže tražene elemente ponude i ispunjavaju formalno pravne, suštinske i tehničke zahtjeve postavljene tenderskom dokumentacijom, te da su prihvatljive i mogu biti predmet vrednovanja.

Obzirom da je za postupak nabavke dostavljena 1 ponuda za Lot 1 i 1 ponuda za lot 2 , u skladu sa Članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) nije bilo moguće zakazati postupak e-aukcije, pa se postupak nabavke okončava u skladu sa Čl.69. stav 1)a) ZJN.

Budući da je zadovoljena transparentnost i da je cijena prihvatljivih ponuda za Lot 1 i Lot 2 u okviru osiguranih sredstava za nabavku, predlaže se donošenje odluke o izboru najpovoljnijeg ponuđača za Lot 1- Inel-Med Mostar i za Lot 2- P.T.D. MGM FARM Kakanj.

Prijedlog Komisije je prihvaćen i donosi se odluka kao u dispozitivu.



**GENERALNA DIREKTORICA**

**Prof.dr. Šabija Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

*[Handwritten signatures]*